

蜜羅波施布

書叢小學佛

行印局書學佛海上

六波羅蜜之一

布施目錄

一、總說

二、布施種別

三、布施福利

四、戒除慳僞

五、財施

六、法施


七、布施隨喜

六波羅蜜之一

布施

一、總說

夫布施之業，乃是衆行之源；既標六度之初，又題四攝之始。給孤獨園，散黃金而不吝；須達拏王，施白象而無惜。尙能濟其厄難，忘己形軀；故薩埵投身，以救飢羸之命；尸毗割股，以代鷹鷂之餐。豈況國城妻子，何足經懷？寶貨倉儲，甯容在意？書云：「解衣推食，摩頂至踵，車馬衣裘，朋友共弊。」莫不輕財重義，愛人好德。且自財物無常，何關人事；苦心積聚，竟復何施？四怖交煎，五家爭奪；何有智人，而當寶翫？比見凡愚，吝惜家財，靡有捨心，而喪軀命；但



爲貪生，恆憂不活；遂使妻兒角目，兄弟鬩牆，眷屬乖離，親朋隔絕。良由慳因慳緣，慳法慳業，乖菩薩之心，妨慈悲之道，不生救護之意，唯起煩惱之情，如是之譽，實由慳貪爲本也。

二、布施種別

布施有二種、三種、四種、五種、七種、八種之說。

二種布施者：如智度論所云：「一財施，捨財濟貧也。二法施，說法度他也。又有二種：一淨施，謂布施時不求世間名聞福利，但爲資助出世善根，及涅槃因，以清淨心而布施也。二不淨施，謂以妄心求福報而布施也。」

三種布施者：如智度論云：「一財施。二法施。三無畏施。又菩薩善戒經云：『具足三種惠施，乃能受持菩薩禁戒：一者施。二者大施。三者無上施。第一施者，於四天下，尚不吝惜；況於小物，是名爲施。第二大施者，能捨妻子。第三無上施者，頭目髓腦，骨肉皮血。菩薩具足如是三施，乃具於忍能持禁戒。』」

四種布施者：如菩薩善戒經云：「一筆施。二墨施。三經施。四說法施。又大集經云：『菩薩有四種施具足智慧：何等爲四？一以紙筆墨，與法師，令書寫經。二種種校飾，莊嚴妙座，以施法師。三以諸所須，供養之具，奉上法師。四無詔曲心，讚歎法師。』」

五種布施者：如賢愚經云：「一施遠來者。二施遠去者。三施病瘦者。四施飢餓者。五施智法人。」又如大寶積經云：「財施有五種：一至心施。二信心施。三隨時施。四自手施。五如法施。」

七種布施者：如俱舍論云：「一施客人，謂施羈旅他鄉者。二施行人，謂施旅行者。三施病人，謂施染病者。四施侍病，謂施看病者。五施園林，謂以園林施諸寺院也。六施常食，謂布施錢財或莊田等，供現住僧或十方僧之常食也。七隨時施，於寒熱風雨時，隨其所應而布施之也。」

八種布施者：如俱舍論云：「一隨至施。二怖畏施。三報恩施。四求報施。五習先施。六希天施。七要名施。八爲莊嚴心施。」

三、布施福利

如月燈三昧經云：「佛言：若有菩薩，信樂檀波羅蜜者，有十種利益：何等爲十一？降伏慳悋煩惱。二修習捨心相續。三共諸衆生，同其資產，攝受堅固，而至滅度。四生豪富家。五在所生處，施心現前。六常爲四衆之所愛樂。七處於四衆，不怯不畏。八勝名流布，徧於諸方。九手足柔輭，足掌安平。十乃至道樹，不離善知識。」又大寶積經云：「樂施之人，獲五種名利：一常得親近一切賢聖。二一切衆生之所樂見。三入大衆時，人所宗敬。四好名善譽，流聞十方。五能爲菩提，作上妙因。」又月燈三昧經云：「佛言：若有菩薩，行於

法施有十種利益：何等爲十一？棄捨惡事。二能作善事。三住善人法。四淨佛國土。五趣詣道場。六捨所愛事。七降伏煩惱。八於諸衆生，施福德分。九於諸衆生，修習慈心。十見法得於喜樂。」又增一阿含經云：「若檀越主惠施之日，得五事功德：云何爲五？一者施命。二者施色。三者施安。四者施力。五者施辯。施命之時，欲得長壽。施色之時，欲得端正。施安之時，欲得無病。施力之時，欲得無能勝。施辯之時，欲得無上正眞之辯。」又十住毗婆沙論云：「在家菩薩，所貪惜物，若有乞人，急從求索：『汝以此物施與我者，速得成佛。』菩薩卽應思惟：『若我今者，不捨此物，此物必當遠離於我；

設至死時，不隨我去，此物則是遠離之相。今爲發菩提，故須施與；後死時心無有悔，必生善處，是得大利。』若猶貪者，應辭謝乞者言：『勿生瞋恨，我新發意，善根未具，於菩薩行法，未得勢力，是以未能捨於此物。後得勢力，善根堅固，當以相與。』又優婆塞戒經云：『若施佛已，用與不用，果報已定。施人及僧，有二種福：一從用生，二從受生。何以故？施主施時，自破慳慳，受用者時，破他慳慳。是故說言：從用生福。』又增一阿含經云：『爾時世尊告諸比丘：『應時之施，有五事益：云何爲五？一者施遠來人，二者施遠去人，三者施病人，四者儉時施，五者若初得新果藏。若穀食等，先與持戒精進。』』

人；然後自食。是故欲行此五施，當念隨時施。若應時淨施者，還得應時果報。謂隨時所宜，淨心而施；若寒時施溫室氈被，薪火暖食等；若熱時施涼室輕衣，水扇冷物等；渴時與漿，飢時給食；風雨送供；天和請僧；如是隨時應情令悅，未來獲福，還受順福。」又優婆塞戒經云：「若施畜生，得百倍報。施破戒者，得千倍報。施持戒者，得十萬報。施外道離欲人，得百萬報。施向道者，得千億報。須陀洹，得無量報。向斯陀含，亦無量報。乃至施佛，亦無量報。我今爲汝分別諸福田，故作是說。若能至心，生大憐愍，施於畜生，專心恭敬，施於諸佛，其福正等，無有差別。言百倍得，如以壽命色刀安辯施。

於彼者；施主後得壽命色力安樂辯才，各各百倍，乃至無量，亦復如是。是故我於契經中說：我施舍利弗，舍利弗亦施於我。然我得福多，非舍利弗得福多也。」或有人說：受者作惡，罪及施主；是義不然，何以故？施主施時，爲破彼苦，非爲作罪；是故施主應得善果。受者作惡，罪自鍾己，不及施主。問：若施聖人，得福多者；云何經說，智人行施，不揀福田？答：今釋此意，義有多途。明能施之人，有愚智之別；所施之境，有悲敬之殊。悲是貧苦，敬是三寶；悲是田劣而心勝，敬是田勝而心劣。若取心勝施佛，則不如施貧。故像法決疑經云：「有諸衆生，見他聚集，作諸福業，但求名聞，傾家財物，以用布

施及見貧窮孤獨，呵罵驅出，不濟一毫；如此衆生，名爲顛倒作善，癡狂禍福，名爲不正作福；此人等，甚可憐愍，用財甚多，獲福甚少。善男子！我於一時，告諸大衆：若人於阿僧祇身，供養十方諸佛，并諸菩薩，及聲聞衆，不如有人施畜生一口飲食，其福勝彼百千萬倍無量無邊。乃至施與餓狗蟻子等，悲田最勝。」又智度論云：「如舍利弗以一鉢飯上佛，佛卽迴施狗；而問舍利弗：『誰得福多？』舍利弗言：『如我解佛法義，佛施狗得福多。若據敬法重人，識位修道，敬田卽勝。』故優婆塞戒經云：『若施畜生，得百倍報；乃至須陀洹，得無量報；羅漢羣支，尙不如佛；況餘類也。若據平等

而行施者，無問悲敬，等心而施，得福宏廣。」故維摩經云：「分作二分：一分施彼難勝如來，一分與城中最下乞人，福田無二。」又賢愚經云：佛姨母摩訶波闍波提佛已出家，手自紡織，預作一端金色之氈，積心係想，唯俟於佛。既得見佛，喜發心髓，即持此氈，奉上如來。佛告憍曇彌：『汝持此氈，往奉衆僧。』波提重白佛言：『自佛出家，心每思念，故手自紡織，規心俟佛，惟願垂愍，爲我受之！』佛告之曰：『知母專心，欲用施我，然恩愛心，福不宏廣，若施衆僧，獲報彌多，我知此事，是以相勸。』

四、戒除慳僞

如菩薩處胎經「佛說偈言：

世多愚惑人，

守慳不布施；

積財千萬億，

稱言是我有；

臨欲壽終時，

眼見惡鬼神，

刀風解其體，

無復出入息；

貪識隨善惡，

受報甚苦辛，

將至受罪處，

受悔無所及。」

又菩薩本行經云：「若見乞者，面目頻蹙；當知是人，開餓鬼門。」

又大集經云：「有四法障礙大乘：何等爲四？一不樂惠施。二施已生悔。三施已觀過。四不念菩提心。復有四法：一爲欲而施。二爲瞋而施。三爲癡而施。四爲怖畏而施。復有四法：一不至心施。二不自

手施。三不現見施。四輕慢施。」又優婆塞戒經云：「佛言：菩薩布施，遠離四惡：一破戒。二疑網。三邪見。四慳悋。復離五法：一施時不選有德無德。二施時不說善惡。三施時不擇種姓。四施時不輕求者。五施時不惡口罵詈。復有三事：施已不得勝妙果報。一先多發心，後則少與。二選擇惡物，持以施人。三既行施已，心生悔恨。復有八事：施已不得成就上果。一施已見受者過。二施時心不平等。施三施已求受者作。四施已喜自讚歎。五說無後乃與之。六施已惡口罵詈。七施已求還二倍。八施已生於疑心。如是施主，則不能得親遇諸佛賢聖之人。若以具足色香味觸施於彼者，是名淨施。若

偏爲良福田施，不樂常施；是人未來得果報時，不樂惠施。若人施已生悔，若劫他物持以布施，是人未來雖得財物，常耗不集。若惱眷屬，得物以施，是人未來雖得大報，身常病苦。若人先不能供養父母，惱其妻子，奴婢困苦，而布施者，是名惡人，是假名施，不名義施。如是施者，名無憐愍，不知恩報；是人未來雖得財寶，常失不集，不能出用，身多病苦。」

五、財施

又智度論云：「若人布施修福，不好有爲作業生活，則得生四天王處。若人布施，加以供養父母伯叔兄弟姊妹等，無瞋無恨，不好

諍訟，又不喜諍訟之人；得生忉利天，乃至他化自在天。」又優婆塞戒經云：「若以衣施，得上妙色。若以食施，得無上力。若以燈施，得淨妙眼。若以乘施，身受安樂。若以舍施，所須無乏。若以淨妙物施，後得好色，人所樂見，善名流布，所求如意，生上種姓，是不名爲惡。若爲自身，造作衣服，莊嚴之具，種種器物，作已歡喜，自未服用，持以施人，是人未來，得如意樹。若有人能日日立要，先施他食，然後自食；若違此要，誓輸佛物，犯則生愧；如其不違，卽是微妙智慧因緣。如是施者，諸施中最上；是人亦得名上施主。若給妻子奴婢衣食，恆以憐愍歡喜心與，未來則得無量福德。若復觀田倉中，多